

alte Weisen gar artig vñ eygentlich vergliechen/ vnd deutlich erlä-
 ret: welcher vmb das Jar Christi 1453. hervor vnd hernacher in sei-
 nem hohen Alter florirt, vnd vor seinem Hinfahren den gebenedey-
 ten Stein der W. laut seines selbst eygenen Bekannnuß noch 4-
 mahl bereitet. Das dritte Tractätlein / darinnen auch die Materia
 Lapidis Ph. sampt der ersten Tinctur Wurzel gar außbündig vnd
 herzlich angedeutet/ ist FRATRIS Vincentii Koffskhii von Bo-
 sen/ Prediger Ordens zu Danzig in Preussen/ welcher im Jahr
 CHRISTI 1488. verschieden/ vnd dieses im Creuzgang in einer
 Mawr im schwarzen Mönchs Kloster/ mit güldenen Buchstaben
 beschrieben/ vermauret hinderlassen. Diese drey fürtreffliche vnd
 wol gegründete Tractätlein / sampt dem 2. Theil dieser Thesauri-
 nellæ Olympicæ aureæ, &c. hab ich also in ein Libell verfaßten/ vñ
 solches in tali forma vnter E. Key. May. hochlöblichsten vnd
 mächtigsten Patrocinio, wider alle Feind / Verfolger / Spötter
 vnd Låsterer dieser Kunst vnd dero Liebhabern/ in publicam lucem
 edirn, vnd den Filiis doctrinæ communicirn wollen: Mit vnter-
 thänigster Bitt / vnd in vngewißelter tröstlicher Hoffnung/ E.
 Key. May. werden diese meine geringfügige Dedication nicht ab-
 lein in allen Gnaden aller gnädigst an vnd auffnehmen / sondern
 auch mich / als einen Philochemicum vnd beyder Arzney zuge-
 thanen/ zu aller gnädigster/ gnädigster/ vñ gnädiger Beförderung/
 in allen Gnaden jederzeit hinfüro aller gnädigst / gnädigst vnd gnä-
 dig derselben anbefohlen seyn lassen. Thue hiemit E. Key. May. in
 deß höchsten Artisten vnd Spagyrici Architecti, der ein Schöpff-
 fer Himmels vnd der Erden vnd aller Creaturen / Göttlichen
 Schirm vnd Gnadenschutz/ neben glückseliger langwüirigen Regie-
 rung / mich aber nechst Gottes Allmächtigen mir in meiner Pils-
 gramschafft reichlich erzeugten Gnadentrost vnd Hülf / E. Key.
 May. demütigst in aller Vnderthänigkeit commendiren, vnd
 empfehlen/ dero ich jederzeit vnterthänigstes getrewes Fleißes nach
 zu dienen mich vnterthänigst schuldig vnd willig erkenne. Gege-
 ben in